

Teorije zavjera kroz prizmu šerijata

S obzirom da su u posljednje vrijeme proširene ideje o teorijama zavjera, neophodno je poznavati granice šerijata, kako ne bismo prekršili nešto od vjerskih principa.

Živimo u vremenu, kada su informacije dostupnije više nego ikad, ali nažalost u poplavi svih tih informacija u današnje vrijeme nailazimo često na lažne informacije (eng. fake news). Sve je to tako upakovano da prosječni korisnici interneta teško mogu uočiti razliku između prave i lažne informacije. Posebno iz razloga jer se izvor modificovane vijesti (u obliku teksta,

video ili fotografije) ne može tek tako provjeriti.

Danas kada je najprošireniji ateizam tj. većina ljudi ne vjeruju u Stvoritelja, pa se tako često svaki oblik nekog iskušenja, nedaće, pripisuje fizičkim nedostacima, odakle počinju da se "rađaju" ideje o teorijama zavjera.

Musliman mora biti svjestan da su ljudi jako ograničeni i slabašni i da je ponekad ono što autori teorija zavjera promovišu u suprotnosti sa islamskim vjerovanjem.

Kaže Uzvišeni Allah:

بَدِيعُ السَّمَاوَاتِ وَالْأَرْضِ ۖ وَإِذَا قَضَىٰ أَمْرًا فَإِنَّمَا يَقُولُ لَهُ كُنْ فَيَكُونُ

On je stvoritelj nebesa i Zemlje, i kada nešto odluči, za to samo rekne: "Budi!" – i ono bude. (2, 117)

I kaže:

وَعِنْدَهُ مَفَاتِحُ الْغَيْبِ لَا يَعْلَمُهَا إِلَّا هُوَ

U Njega su ključevi svih tajni, samo ih On zna... (6, 59)

Apsolutna snaga, znanje i upravljanje (tedbir) je specifično samo za Allaha. Nažalost ekstremne ideje o teorijama

zavjera koje nekada u sebi sadrže širk, ušle su u srca i umove mnogih ljudi, pa su počeli opisivati neprijatelje islama sa atributima (sifatima) koji graniče sa Allahovim rububijetom (gospodarstvom).

Po njima nevjernici kao da posjeduju "apsolutno znanje i snagu" pa tako "planiraju" svaku veliku zavjeru. U nastavku ovog teksta, ne želim negirati da nevjernici spletkare, nego ukazati na ekstremizam povodom toga, kao i svako pripisivanje koje izlazi iz okvira ljudske mogućnosti.

Jedan od takvih primjera, koji u sebi sadrži opis velikog širka jeste teorija o tkz. HAARP-u. Neki od zabludjelih

vjeruju, da SAD posjeduje tajni sustav za kontrolu vremenskih prilika, pa su tako neki od zalutalih teoretičara krivili Amerikance za uragan Katrina (2005), potres na Haitiju (2010) i cunami koji se desio 2011. godine u Japanu.

U svjetlu ovoga, svaki musliman bi trebao imati na umu sljedećih 6 principa:

1. Apsolutno znanje i snaga pripadaju samo Allahu, nevjernici su slabi i ograničeni. Oni, kao i svi ostali ljudi ne čuju sve, ne vide sve, ne upravljaju sa svime, kao što im neki zabludjeli pokušavaju to pripisati.

2. Spletke šejtana su slabe. Kaže Uzvišeni Allah:

إِنَّ كَيْدَ الشَّيْطَانِ كَانَ ضَعِيفًا

Uistinu, spletka šejtanova je slaba. (4, 76)

Ako su spletke šejtana slabe, koliko su tek slabije spletke sljedbenika šejtana?!

U tefsiru Et-Taberija se spominje:

فلا تهابوا أولياء الشيطان، فإنما هم حزبه وأنصاره،
وحزب الشيطان أهل وهن وضعف

Ne plašite se šejtanovih štičenika, jer su oni šejtanova stranka i njegovi pomagači i kao takvi su slabašni.

3. Svrha teorija zavjera krije se u pretjeranom opisivanju snage nevjernika, što ljude dovodi do paralizovanog mišljenja, pa tako bivaju zaokupirani razmišljanjem o ljudima a ne o Allahu.

بَشِّرِ الْمُنَافِقِينَ بِأَنَّ لَهُمْ عَذَابًا أَلِيمًا ﴿١٣٨﴾ الَّذِينَ يَتَّخِذُونَ
الْكَافِرِينَ أَوْلِيَاءَ مِنْ دُونِ الْمُؤْمِنِينَ ۗ أَيْبَتُّعُونَ عَنْهُمْ الْعِزَّةَ
فَإِنَّ الْعِزَّةَ لِلَّهِ جَمِيعًا

Obraduj munafike da će oni imati kaznu bolnu, oni koji uzimaju nevjernike prijateljima pored vjernika, traže li kod njih moć? - pa uistinu, moć je Allahova sva! (4, 138 - 139)

4. Tvrdnje propagatora teorija zavjera su često samo puko nagađanje i njihove pretpostavke, kao što to čine u vjerskim pitanjima.

رَجْمًا بِالْغَيْبِ

nagađajući o nevidljivom. (18, 22)

وَمَا لَهُمْ بِهِ مِنْ عِلْمٍ إِلَّا أَنْ يَتَّبِعُونَ إِلَّا الظَّنَّ ۗ وَإِنَّ الظَّنَّ لَا يُغْنِي
مِنَ الْحَقِّ شَيْئًا

A nemaju oni o tome nikakvo znanje. Slijede samo pretpostavku, a uistinu, pretpostavka ništa ne koristi Istini. (53, 28)

5. U brojnim Kur'anskim tekstovima ističe se da su prijašnji narodi

kažnjavani, još na ovom svijetu, upravo zbog grijeha koje su činili.

قَدْ خَلَتْ مِنْ قَبْلِكُمْ سُنَنٌ فَسِيرُوا فِي الْأَرْضِ فَانظُرُوا كَيْفَ
كَانَ عَاقِبَةُ الْمُكْذِبِينَ

Prije vas su mnogi narodi bili i nestali, zato putujte po svijetu i posmatrajte kako su završili oni koji su poslanike u laž ugonili. (4, 137)

Rekao je Uzvišeni Allah:

وَمَا أَصَابَكُمْ مِّنْ مُّصِيبَةٍ فَبِمَا كَسَبَتْ أَيْدِيكُمْ وَيَعْفُو عَن
كَثِيرٍ

A šta vas pogodi od nesreće - to je šta ste zaradili rukama svojim, a On oprašta mnogo. (42, 30)

وَمَا أَصَابَكَ مِنْ سَيِّئَةٍ فَمِنَ نَفْسِكَ

a nesreću koja te zadesi sam si zaslužio. (4, 79)

Kaže Et-Taberi:

يعني: وما أصابك من شدة ومشقة وأذى ومكروه

"Tj. ono što te zadesi od poteškoće, nevolje, štete i nesreće."

6. Čovjek može upasti u veliki širk, ako poistovjeti svojstva Stvoritelja sa svojstvima stvorenja.

شرك المشبهة: وهو تشبيه الخالق بالمخلوق

Širk mušebbiha jeste u
poistovjećivanju Stvoritelja sa
stvorenjima.

Kaže Uzvišeni Allah:

لَيْسَ كَمِثْلِهِ شَيْءٌ وَهُوَ السَّمِيعُ الْبَصِيرُ

Ništa nije kao On, On sve vidi i sve čuje.
(42, 11)

Ovim završavam, a sva zahvala
pripada samo Uzvišenom Allahu.